

- e. Útistandandi skuldir og eftirstöðvar er skipti fara fram skiptast þannig, að 59  
 í hlut Nesjahrepps kemur  $\frac{1}{3}$  en í hlut Hafnarhrepps  $\frac{2}{3}$  hlutar.
- f. Ellistyrktarsjóði Nesjahrepps skal skipt að jöfnu milli hreppanna. 12. apríl
5. Bækur og skjöl, sem sveitarfélagið á nú, skal vera eign Nesjahrepps, en hreppsnefnd Hafnarhrepps skal eiga aðgang að þeim þegar hún þarfnast.
6. Hreppsnefndarmenn skulu vera 5 í hvorum hreppi.
7. Um fjallskil og annað fer að lögum og reglum þeim, er hrepparnir setja sér.
8. Aðskilnað hreppanna skal miða við 1. janúar 1946 og skulu hreppsnefndir hinna nýju hreppa framkvæma skiptinguna. Verði ágreiningur út af skiptunum skal úr honum skorið af sýslunefnd.

Þetta tilkynnist yður hér með, herra sýslumaður, til frekari aðgerða og birtingar, að því viðbættu, að með framangreindri fyrirskipun er engin breyting gerð á hinum forna Nesjahreppi, sem dómsþing né manntalsþinghá.

## S A M Þ Y K K T

60

fyrir Framræslu- og áveitufélag Framengja í Mývatnssveit. 10. apríl

### 1. gr.

Félagið heitir Framræslu- og áveitufélag Framengja í Mývatnssveit. Heimili þess og varnarþing er Skútustaðahreppur í Þingeyjarsýslu.

### 2. gr.

Félagið nær yfir eftirtalдар jarðir í Skútustaðahreppi: Litluströnd, Álftagerði I—IV, Skútustaði I—III, Gautlönd I—II og Arnarvatn I—III. Enn fremur svonefnt Sveinsstrandarengi, sem ekki er sérstakt ábyli.

### 3. gr.

Tilgangur félagsins er:

1. að annast framkvæmd og rekstur áveitu og framræslu á engjalöndum þeirra jarða, sem taldar eru í 2. gr.;
2. að koma í veg fyrir vatnságang og landsþjöll af völdum Krákár;
3. að útvega og reka meðan á framkvæmdum stendur skurðgröfu frá ríkinu, samkvæmt ákvæðum laga nr. 54 frá 4. júlí 1942, V. kafli, 35. gr., og lögum nr. 38 frá 7. apríl 1943 um breyting á þeim;
4. að útvega fé sem styrk og lán til að koma nauðsynlegum mannvirkjum í þessu sambandi í framkvæmd.

### 4. gr.

Félaginu stjórnar þriggja manna nefnd, kjörin af aðalfundi til þriggja ára í senn. Gengur einn maður úr félagsstjórninni á hverju ári, tvö fyrstu árin eftir hlutkesti og síðan í röð eftir starfsaldri ár hvert. Varamenn í félagsstjórn skulu kosnir eftir sömu reglum. Þá kys og aðalfundur tvo endurskoðendur félagsreikninganna til tveggja ára í senn, og ganga þeir úr sitt árið hver, í fyrsta sinn eftir hlutkesti.

### 5. gr.

Stjórnin skiptir sjálf með sér verkum. Formaður boðar til allra funda í félaginu og stýrir þeim. Hann sér um bókun allra fundargerða og ákvarðana, sem félagið varðar. Hann varðveitir og öll skilríki, sem félagsskapinn snerta. Gjaldkerinn hefur á hendi reikningsfærslu félagsins og annast allar innheimtur og greiðslur

60 10. apríl eftir ávísun formanns. Stjórnarnefndin hefur á hendi alla framkvæmd og rekstur fyrirtækisins, eftir ákvörðun aðalfundar. Hún sér um, að árlega sé framkvæmt nauðsynlegt mat á mannvirkjum þeim, sem félagið lætur gera, eða einstakir menn hafa framkvæmt á jörðum sínum í þágu áveitunnar.

Heimilt er félagsstjórn að ráða eftirlitsmann til eins árs í senn. Getur hún falið honum eftirlit með mannvirkjum félagsins og viðhaldi þeirra, og sjái hann þá einnig um skiptingu áveituvatns og rekstur áveitunnar, ella telst það til stjórnarstarfa eftir nánari ákvörðunum aðalfundar.

Í nóvembermánuði ár hvert jafnar stjórnarnefnd niður öllum kostnaði, samkvæmt ákvæðum 8. gr.

Þóknun fyrir störf sín fær stjórnarnefnd eftir reikningi, sem aðalfundur úrskurðar.

#### 6. gr.

Félagsfundi skal boða með nægum fyrirvara og tilkynna fundarverkefni í boðinu. Aðalfund skal halda fyrir lok febrúarmánaðar ár hvert, og er hann því aðeins lögmætur, að þar komi fram  $\frac{3}{4}$  hlutar atkvæða allra lögbundinna félagsmanna, og sé þá eitt atkvæði fyrir hvert ábýli, samkvæmt 2. gr., og auk þess eitt atkvæði fyrir það sérstaka engjasvæði, sem greinin nefnir. Afl atkvæða ræður úrslitum mála á félagsfundum. Nú mæta ekki svo margir félagsmenn, að aðalfundur sé lögmætur, og skal þá stjórn félagsins innan hálfis mánaðar boða til aðalfundar að nýju, og er sá fundur lögmætur án tillits til þess, hversu margir félagsmenn mæta þar. Á aðalfundi leggur stjórnin fram reikninga félagsins fyrir umliðið starfsár. — Einnig leggur hún þar fram starfsáætlun fyrir næsta ár, ásamt kostnaðaráætlunum um framkvæmdir. Aukafundir skulu haldnir, þegar félagsstjórn eða helmingur félagsmanna telur þess þörf, og hafi sent beiðni um það til félagsstjórnar.

#### 7. gr.

Á kostnað félagsins skal gera alla framræslu- og áveituskurði ásamt nauðsynlegum stíflum í þá og flóðhliðum. Enn fremur skal gera á kostnað félagsins flóðgarða og önnur þau mannvirki, sem nauðsynleg kunna að vera til vatnsstöðu og farvegsbreytinga vegna upptöku vatns til áveitu, eða til varnar gegn landspjöllum. Tilhögun mannvirkja og framkvæmdum skal haga samkvæmt áætlunum og uppdráttum gerðum af Búnaðarfélagi Íslands og þeim viðaukum og breytingum, sem það síðar kann að gera, enda verði þær samþykktar af aðalfundi eða lögmætum félagsfundi áður en verkið er hafið.

#### 8. gr.

Öllum árlegum kostnaði við framkvæmdir þær, sem 7. gr. tiltekur, svo sem afborgunum og vaxtagreiðslum af stofnkostnaði, viðhalds- og endurnýjunarkostnaði mannvirkja, stjórnar- og eftirlitskostnaði m. m., skiptir félagsstjórnin í nóvembermánuði ár hvert á allar jarðir, sem framræslan og áveitan nær til. Niðurfjöfnunina skal yfirleitt miða við flatarmálsstærð þess lands, sem hags nýtur af verkinu, en til þess að hæfilegt tillit sé hægt til þess að taka, ef einhverjar af jörðunum hafi sérstöðu gagnvart afnotum verksins, skal félagsstjórn, með samþykki aðalfundar, gera eða láta gera hagnaðarmat á engjalöndum viðkomandi jarða, þegar framkvæmdum við fyrirhugaða áveitu og framræslukerfi er lokið. — Því mati má, innan þriggja mánaða, vísa til yfirmats þriggja óvilhallra manna, dómkvaddra. Um skipun slíks yfirmats og kostnað, sem af því leiðir, fer eftir sömu reglum og lög um landskipti tiltaka.

Gjaldskrá, er ákveður grundvöll að skiptingu framangreinds kostnaðar, skal senda landbúnaðarráðherra til staðfestingar.

## 9. gr.

60

Stofnun félagsins, verkefni þess, heimili og varnarþing, svo og hverjir séu í 10. apríl  
félagstjórn, og ef breytingar verða á henni, og enn fremur hverjir fari með pró-  
kúruumboð fyrir félagið, skal birta í Lögbirtingablaðinu.

## 10. gr.

Stjórn félagsins hefur heimild til að taka lán handa félaginu til þeirra fram-  
kvæmda, er það hefur á höndum, eftir nánari ákvörðun aðalfundar, að setja til  
tryggingar lánsfénu og endurábyrgð þeirri, sem þurfa kynni vegna lántöku, veðrétt  
í jarðeignum þeim, sem nefndar eru í 2. gr. Stjórnin sér um skilvísu greiðslu af-  
borgana og vaxta af lánum þeim, sem félagið þarf að taka.

Niðurrjöfnuð árgjöld á félagsmenn hafa lögtaksrétt.

## 11. gr.

Rísi ágreiningur í félagsmálum innan félags, skal úr honum skorið með gerðar-  
dómi. Gerðardómur skal skipaður þrem mönnum. Skulu aðilar tilnefna sinn mann-  
inn hvor, en aðalmaður sé skipaður af Búnaðarfélagi Íslands.

## 12. gr.

Með brot á samþykkt þessari skal fara sem almenn lögreglumál, og geta þau  
varðað sektum frá 100—1000 krónum, ef eigi liggur þyngri hegning við að lögum.

## 13. gr.

Samþykkt þessari má breyta á lögsmætum aðalfundi, ef  $\frac{2}{3}$  allra félagsmanna  
samþykkja breytinguna, og öðlast hún gildi, þegar staðfesting stjórnarráðs Íslands  
kemur til.

## 14. gr.

Félagsskap þessum má því aðeins slíta, að eigi verði náð þeim tilgangi, sem  
félagið hefur sett sér, eða þeir örðugleikar reynast, að ókleift þyki að halda félags-  
skapnum áfram, enda sé það samþykkt á lögsmætum aðalfundi og  $\frac{4}{5}$  greiddra at-  
kvæða sé með því, og samþykki stjórnarráðs fáist um félagsslit.

## 15. gr.

Skylt er að gera endurskoðun á samþykkt þessari, þegar verklegar framkvæmdir  
hefjast samkvæmt henni.

Samþykkt þessi staðfestist hér með samkvæmt vatnalögum nr. 15 frá 20. júní  
1923, jarðræktarlögum nr. 54 frá 4. júlí 1942 og lögum nr. 38 frá 7. apríl 1943, um  
breyting á þeim, til þess að öðlast gildi þegar í stað.

*Landbúnaðarráðuneytið, 10. apríl 1946.*

F. h. r.

**Vígfús Einarsson.**

*Árni G. Eylands.*